

MOCK ARBITRATION COMPETITION ԱՐԲԻՏՐԱԺ ԽԱՂ-ՄՐՑՈՒՅԹ 2022

ԿԱՆՈՆՆԵՐ

Արբիտրաժ խաղ-մրցույթի մասնակցության

1. Կանոնները

- 1.1 Սույն կանոնները (այսուհետ «Կանոններ») սահմանում են Արբիտրաժ խաղ-մրցույթի (այսուհետ «Մրցույթ») կազմակերպման և անցկացման կարգը, այդ թվում՝ մասնակցող թիմերի, արբիտրների ընտրության, ինչպես նաև Մրցույթի հետ կապված այլ ընթացակարգային պայմանները:
- 1.1 Կանոններին առնչվող ցանկացած ժամանակացույց հանդիսանում է դրանց անբաժանելի մասը:
- 1.2 Կազմակերպիչն իրավունք ունի փոփոխել Կանոնները և անհրաժեշտության դեպքում սահմանել լրացուցիչ կանոններ մրցույթի անխափան ընթացքն ապահովելու համար:

2 Կազմակերպիչը և Նպատակը

- 2.1 Առևտրային արբիտրաժին նվիրված իններորդ ամենամյա Մրցույթն իրականացվում է Հայաստանի Ամերիկյան Համալսարանի (ՀԱՀ) LL.M. Ծրագրի Մեդիացիոն և Արբիտրաժային Կլինիկայի կողմից (այսուհետ «Կազմակերպիչ»):
- 2.2 Մրցույթի առաջնային նպատակն է նպաստել Հայաստանում ապագա, ինչպես նաև սկսնակ իրավաբանների շրջանում վեճերի այլընտրանքային լուծման միջոցների, մասնավորապես, արբիտրաժի վերաբերյալ իրազեկության բարձրացմանը, գրավոր և հռետորական հմտությունների զարգացմանը:

3 Մրցույթը

COVID 19-ի համաճարակով պայմանավորված նախատեսվում է Մրցույթն անցկացնել «հիբրիդ» եղանակով՝ (1) գրավոր և (2) բանավոր՝ առցանց Zoom հավելվածի միջոցով կամ, համաճարակի պայմանների թուլլտվության դեպքում, առկա ընթացակարգով:

- 3.1 Գրավոր փուլին կմասնակցեն բոլոր մասնակցության հայտ ներկայացրած թիմերը: Այս փուլի ավարտին չորս առավելագույն միավոր հավաքած թիմերը կանցնեն կիսաեզրափակիչ փուլ:
- 3.2 Կիսաեզրափակիչ փուլը կանցկացվի առցանց՝ բանավոր կարգով՝ Zoom հավելվածի միջոցով:
- 3.3 **COVID 19-ի իրավիճակով պայմանավորված՝** եզրափակիչ փուլը կանցկացվի կամ առկա եղանակով՝ Հայաստանի Ամերիկյան Համալսարանում, կամ առցանց բանավոր կարգով՝ Zoom հավելվածի միջոցով:
- 3.4 Մրցույթի լեզուն հայերենն է:

4 **Խնդիրը (գործը)**

- 4.1 Մրցույթի խնդիրը մասամբ կազմված է իրական վեճի փաստերի հիման վրա, որը տեղի է ունեցել Հայաստանից դուրս: Գործի մանրամասները տեղայնացվել են խաղ-մրցույթի համար: Վեճի իրական մասնակիցների անունները, ինչպես նաև այլ մանրամասները, որոնք կարող են որևէ կերպ նպաստել իրական գործի վերաբերյալ տեղեկության բացահայտմանը, արբիտրաժային գործում փոխարինվել են այլ անուններով կամ մանրամասներով:
- 4.2 Մասնակիցները կարող են դիմել Կազմակերպչին՝ խնդրի վերաբերյալ պարզաբանումներ ստանալու կամ ուղղումներ իրականացնելու խնդրանքով մինչև պաշտոնական ժամանակացույցում նշված օրը՝ գրավոր աշխատանքների հանձնման ամսաթիվը: Պարզաբանումներ կատարելու դիմում-խնդրանքը պետք է պարունակի էջի համարը, որտեղ հայտնաբերվել է անճշտությունը, վերաբերի այնպիսի փաստական հանգամանքներին, որոնք էական նշանակություն ունեն խնդրի համար:
- 4.3 Վերոգրյալ դիմումների հիման վրա Կազմակերպիչը կարող է հրապարակել համապատասխան պարզաբանումներ, լրացումներ և ուղղումներ Հայաստանի ամերիկյան համալսարանի (ՅԱՀ) իրավագիտության մագիստրոսական ծրագրի կայքի բաժնում հետևյալ հղումով՝ <http://law.aua.am/alternative-dispute-resolution-clinic/>, որոնք հանդիսանալու են խնդրի բաղկացուցիչ և անբաժանելի մասը:

5 **Թիմերը և Մրցույթին գրանցվելու կարգը**

- 5.1 Մրցույթին կարող են մասնակցել Հայաստանի Հանրապետության բուհերի իրավաբանական ֆակուլտետների, այդ թվում՝ մագիստրատուրայի և ասպիրանտուրայի ուսանողները, իրավաբանական ուղղություն ունեցող հաստատությունների ուսանողները, ուսկնդիրները: Յուրաքանչյուր հաստատությունից մասնակցության հայտ կարող են ներկայացնել մեկ և ավելի թիմեր: Յուրաքանչյուր թիմ կարող է ունենալ նվազագույնը 2 և առավելագույնը 5 անդամ:
- 5.2 Յուրաքանչյուր թիմ կարող է ունենալ մարզիչ, սակայն մարզչի առկայությունը պարտադիր չէ: Մարզիչը կարող է միայն ուղղորդել թիմերին՝ պատրաստվելու մրցույթի գրավոր և բանավոր փուլերին: Մասնավորապես, նա կարող է մրցույթի մասնակիցներին ծանոթացնել արբիտրաժի կանոններին և հիմնական սկզբունքներին, հետազոտություն կատարելու մեթոդներին: Մարզիչը իրավունք չունի կազմել գրավոր աշխատանքները մասնակիցների/թիմերի փոխարեն:
- 5.3 Յուրաքանչյուր թիմ պետք է ունենա ավագ, ով հանդիսանում է թիմի մասնակիցներից մեկը և ում միջոցով Կազմակերպիչը կապ է հաստատում թիմի հետ:
- 5.4 Մրցույթին մասնակցելու համար պետք է Կազմակերպչի կողմից սահմանված ժամկետում ներկայացնել մասնակցության հայտ, որը կարող էք գտնել Հայաստանի ամերիկյան համալսարանի (ՅԱՀ) իրավագիտության մագիստրոսական ծրագրի կայքի բաժնում հետևյալ հղումով՝ <http://law.aua.am/alternative-dispute-resolution-clinic/>:

- 5.5 Թիմի անդամները կարող են ներկայացվել տվյալ հաստատության իրավասու մարմնի (օրինակ՝ ֆակուլտետի դեկանի) կողմից, կամ հենց իրենք՝ ուսանողները, կարող են կազմել թիմեր և մասնակցության հայտ ներկայացնել՝ ստանալով իրավասու մարմնի համաձայնությունը:
- 5.6 Մասնակցության հայտը ներկայացվում է բուհի իրավասու մարմնի ստորագրությամբ, կնիքով (առկայության դեպքում)՝ սկան արված տարբերակով:
- 5.7 Պահանջվող փաստաթղթերի էլեկտրոնային տարբերակները պետք է ուղարկվեն adr@aua.am և law@aua.am էլ. փոստերին:
- 5.8 Արբիտրաժ խաղ-մրցույթին գրանցվելը և մասնակցությունն անվճար է:

6 Գաղտնիություն

- 6.1 Ամբողջ մրցույթի ընթացքում թիմերը չպետք է բացահայտեն արբիտրներին, թե որ համալսարանն են ներկայացնում:
- 6.2 Մրցույթի ընթացքում յուրաքանչյուր թիմ ունենալու է Նույնականացման համար, որն օգտագործվելու է ամբողջ մրցույթի ընթացքում: Նույնականացման համարը տրամադրվում է Կազմակերպչի կողմից գրանցումից հետո:

7 Գրավոր և բանավոր փուլերի կանոնները

Գրավոր և բանավոր փուլերի անցկացման համար նախատեսված են առանձին կանոններ, որոնք կցված են այս կանոններին և կազմում են այս կանոնների անբաժանելի մասը:

8 Արբիտրները

- 8.1 Գրավոր աշխատանքները և բանավոր փուլերը գնահատվում են 3 (երեք) արբիտրների կողմից:
- 8.2 Մրցույթի արբիտրները կլինեն գործող արբիտրներ, փաստաբաններ, իրավաբաններ և դատավորներ: Մասնակիցները նախօրոք կձանուցվեն իրենց արբիտրաժային նիստի 3 (երեք) արբիտրների կազմի վերաբերյալ:
- 8.3 Եզրափակիչ փուլում կարող է նշանակվել 3-ից ավել արբիտր:

9 Ժամկետներ

- 9.1 Մրցույթի մասնակցության ժամկետների պահպանումը հանդիսանում է էական պայման:
- 9.2 Մրցույթի ժամկետների փոփոխությունների վերաբերյալ կողմերը կտեղեկացվեն թիմի ավագի էլ. փոստի կամ հեռախոսի միջոցով:

10 Կազմակերպչի հետ կապը

- 10.1 Մրցույթին վերաբերյալ հարցերը կարող եք ուղղել adr@aua.am և law@aua.am էլ. փոստերին կամ զանգահարել 055 888 325 հեռախոսահամարով: